

Gazel

Ol gamze-i gurûr ne âlemedir aceb
Hiç etmedi zuhûr ne âlemedir aceb

Olmaz bedîd âyine-i câm-ı Cemde hiç
Ol sîne-i bilûr ne âlemedir aceb

Sormaz safâ-yı âlem-i âb içre gamzesi
Rindân-ı bî-huzûr ne âlemedir aceb

Nevbet deger mi meclis-i uşşâka gelmege
Ol neşe vü sürûr ne âlemedir aceb

Oldı hevâ-yı zülf ile dil târumâr-ı gam
Cem'iyet-i şuûr ne âlemedir aceb

Fikr-i kadinle fitne salaydı kıyâmete
Hengâme-i şürûr ne âlemedir aceb

Çokdan sevâd-ı kalb-i harâbına **Gâlib**'in
Etmez neşât ubûr ne âlemedir aceb